

Neslužbena prečišćena verzija Zakona o podsticaju u poljoprivrednoj proizvodnji sadrži: Zakon o podsticaju u poljoprivrednoj proizvodnji („Službeni glasnik Brčko distrikta BiH“, broj: 11/06), i izmjene i dopune Zakona o podsticaju u poljoprivrednoj proizvodnji („Službeni glasnik Brčko distrikta BiH“, broj: 19/07, 15/10, 21/20, 30/20 i 04/21).

Z A K O N

O PODSTICAJU U POLJOPRIVREDNOJ PROIZVODNJI

(Neslužbena prečišćena verzija)

DIO PRVI - OSNOVNE ODREDBE

Član 1

Ovim zakonom uređuje se podsticaj u poljoprivrednoj proizvodnji „i ruralnom razvoju“¹ : izvor i visina sredstava, lica koja ostvaruju pravo na podsticaj, namjena i korištenje sredstava, struktura podsticaja, nadzor nad provođenjem zakona, kaznena i druga pitanja u vezi s podsticajima (u daljnjem tekstu: podsticaji).

Član 2

„(1) Ruralni razvoj podrazumijeva skup politika, mjera i aktivnosti koje za cilj imaju sveobuhvatan ekonomski, socijalni i kulturni napredak stanovništva ruralnih područja i koje se planiraju i provode uz uvažavanje principa održivog razvoja i očuvanja i unapređenja kvaliteta okoliša.

(2) Podsticaj su novčana sredstva za razvoj poljoprivrede i ruralni razvoj u cijelom Brčko distriktu Bosne i Hercegovine (u daljnjem tekstu: Brčko distrikt BiH).“²

Član 3

Cilj donošenja ovog zakona je, osiguranje dugoročnih podsticaja koji će omogućiti stvaranje i unapređivanje komercijalne poljoprivredne proizvodnje, zadržavanje stanovništva na selu i ukupni ruralni razvoj u Brčko distriktu „BiH“³.

DIO DRUGI - IZVOR I VISINA SREDSTAVA

Član 4

¹ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

² Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

³ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

(1) Sredstva za podsticaj iz člana 2 ovog zakona osiguravaju se u budžetu Brčko distrikta „BiH“⁴ za svaku fiskalnu godinu.

(2) Visina podsticaja određivat će se pojedinačno za svaku budžetsku godinu i ne može biti manja od 4.000.000,00 KM od godišnjeg budžeta Brčko distrikta BiH.

„Član 4a

(1) Odjeljenje za poljoprivredu, šumarstvo i vodoprivredu vrši upis pravnih lica, preduzetnika i individualnih poljoprivrednih proizvođača (u daljnjem tekstu: korisnici) na području Brčko distrikta BiH.

(2) Odjeljenje za poljoprivredu, šumarstvo i vodoprivredu uspostavlja i vodi Registar poljoprivrednih gazdinstava i Registar klijenata u Brčko distriktu BiH.

(3) Način i metoda upisa u registre iz stava 2 ovog člana utvrđuju se na osnovu odluke koju donosi gradonačelnik Brčko distrikta BiH na prijedlog Odjeljenja za poljoprivredu, šumarstvo i vodoprivredu.”⁵

DIO TREĆI - KORISNICI

Član 5

„(1) Pravo na podsticaj imaju korisnici pod uslovom da:

„a) su upisani u Registar poljoprivrednih gazdinstava, s tim da pravo na podsticaj ne mogu ostvariti za onu godinu u kojoj su se upisali u Registar poljoprivrednih gazdinstava.”⁶

b) obavljaju djelatnost iz oblasti poljoprivrede ili provode mjere politike ruralnog razvoja u Brčko distriktu BiH koje obuhvataju mjere za: povećanje konkurentnosti, zaštitu ruralne okoline i leader pristup, diversifikaciju aktivnosti u ruralnim područjima i poboljšanje kvaliteta života u ruralnim područjima;

„c) ako je korisnik fizičko lice, da ima prebivalište na teritoriji Distrikta u trajanju od najmanje „posljednjih“⁷ pet godina, izuzev ako je prebivalište stekao sklapanjem braka;

d) ako je korisnik pravno lice, da ima registrovano sjedište na teritoriji Distrikta;

e) posjeduju vlastito poljoprivredno zemljište na teritoriji Distrikta ili imaju ugovor o zakupu poljoprivrednog zemljišta na teritoriji Distrikta;”⁸

f) je veći dio proizvodnje namijenjen ili za prodaju na tržištu ili za uskladištenje ili će biti potrošen kao reprodukcijski materijal u vlastitoj proizvodnji ili za realizaciju projekata i mjera ruralnog razvoja;

g) su ispunili obaveze prema Brčko distriktu BiH po osnovu:

1. ugovora o zakupu poljoprivrednog zemljišta u svojini Brčko distrikta BiH,

2. ugovora o robnim kreditima za steone junice,

⁴ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

⁵ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

⁶ Zakon o izmjeni i dopuni Zakona o podsticaju u poljoprivrednoj proizvodnji (Službeni glasnik broj 30/20 Brčko distrikt BiH)

⁷ Zakon o izmjenama i dopuni Zakona o podsticaju u poljoprivrednoj proizvodnji (Službeni glasnik broj 04/21 Brčko distrikt BiH)

⁸ Zakon o izmjeni i dopuni Zakona o podsticaju u poljoprivrednoj proizvodnji (Službeni glasnik broj 21/20 Brčko distrikt BiH)

3. doprinosa za zdravstveno osiguranje zaposlenih za pravna lica i
4. poreznih obaveza za pravna lica.

(2) Korisnici ostvaruju pravo na podsticaj na osnovu zahtjeva podnesenog Odjeljenju za poljoprivredu, šumarstvo i vodoprivredu uz uslov da ispunjavaju propisane kriterije.

(3) Korisnici koji ostvare pravo na podsticaj dužni su dobivena sredstva namjenski koristiti.

(4) Odjeljenje za poljoprivredu, šumarstvo i vodoprivredu uspostavlja i uređuje bazu podataka korisnika podsticaja.⁹

„(5) Izuzetak od stava 1 tačke a) ovog člana su: korisnici sredstava iz Programa samozapošljavanja u poljoprivredi na području Brčko distrikta BiH, korisnici koji su se upisali u Registar poljoprivrednih gazdinstava kao nosioci poljoprivrednog gazdinstva zbog smrti prethodnog nosioca gazdinstva, kao i pravna lica, pod uslovom da su upisani u Registar poljoprivrednih gazdinstava.“¹⁰

DIO ČETVRTI - NAMJENE

Član 6

¹¹ Podsticaj je namijenjen za:

- a) podsticanje razvoja stočarstva, voćarstva, ratarstva i povrtlarstva;
- b) regresiranje kamata za investicione kredite u primarnoj poljoprivrednoj proizvodnji;
- c) participacije za projekte novih tehnologija, obaveze i edukacije od interesa za primarnu poljoprivrednu proizvodnju;
- d) organsku proizvodnju;¹²
- „ e) ruralni razvoj.“¹³

DIO PETI - STRUKTURA PODSTICAJA

Član 7

¹⁴ Sredstva za podsticaj koriste se za:

- a) Biljnu proizvodnju: ratarstvo, povrtlarstvo i voćarstvo;
- b) Stočarsku proizvodnju: govedarstvo, svinjogojstvo, peradarstvo, ovčarstvo, kozarstvo i ostala stočarska proizvodnja;
- c) Organsku proizvodnju;
- d) Kapitalne investicije;
- e) Regresiranje kamata za poljoprivredne kredite;

⁹ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

¹⁰ Zakon o izmjeni i dopuni Zakona o podsticaju u poljoprivrednoj proizvodnji (Službeni glasnik broj 30/20 Brčko distrikt BiH)

¹¹ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

¹² Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

¹³ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

¹⁴ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

- f) Razvoj stručnih institucija;
- g) Uvođenje novih tehnologija i kultura u primarnoj poljoprivrednoj proizvodnji;¹⁵
- „h) ruralni razvoj“¹⁶

Član 8

(1) Pravilnik o načinu i uslovima za podsticaj u poljoprivrednoj proizvodnji¹⁷, donosi „Vlada“¹⁸ Brčko distrikta BiH, na prijedlog Odjeljenja za poljoprivredu, šumarstvo i vodoprivredu usklađen sa općom politikom Skupštine Brčko distrikta BiH (u daljnjem tekstu pravilnik).

(2) Pravilnikom se bliže utvrđuje visina podsticaja po jedinici i ukupna vrijednost, opći i posebni kriteriji za ostvarivanje podsticaja, način ostvarivanja, te nadzor i kontrola njihovog provođenja, posebni uslovi koje mora zadovoljiti podnosilac zahtjeva da bi ostvario podsticaj, postupak za njegovo ostvarenje, potrebnu dokumentaciju, način isplate, te obaveze koje korisnik mora ispuniti nakon prijema podsticaja.

Član 9

¹⁹ Odjeljenje za poljoprivredu, šumarstvo i vodoprivredu gradonačelniku Brčko distrikta BiH će dostavljati izvještaj o realizaciji podsticaja na kraju svake kalendarske godine ili periodično na zahtjev gradonačelnika Brčko distrikta BiH.

Član 10

Gradonačelnik Brčko distrikta BiH će Skupštini Brčko distrikta BiH, šestomjesečno, dva puta godišnje, dostavljati izvještaj o rezultatima podsticaja.

Član 11

²⁰ Odjeljenje za poljoprivredu, šumarstvo i vodoprivredu prikuplja, obrađuje i vrše provjeru zahtjeva i dokumentacije korisnika.

Član 12

(1) Zahtjevi korisnika dostavljeni Odjeljenju za poljoprivredu, šumarstvo i vodoprivredu uvode se u djelovodnik predmeta i akata i momentom upisa postaje službena dokumentacija.

(2) Utvrđivanje činjeničnog stanja u fazi proizvodnje na terenu potencijalnih korisnika kao i u toku prikupljanja i obrade dokumentacije, vrše komisije za podsticaj, poljoprivredni i ostali inspektori, odnosno službenici s posebnim ovlaštenjima.

¹⁵ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

¹⁶ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

¹⁷ Zakon o izmjenama i dopuni Zakona o podsticaju u poljoprivrednoj proizvodnji (Službeni glasnik broj 04/21 Brčko distrikt BiH)

¹⁸ Zakon o izmjenama Zakona o podsticaju u poljoprivrednoj proizvodnji (Službeni glasnik broj 19/07 Brčko distrikt BiH)

¹⁹ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

²⁰ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

Član 13

(1) Odjeljenje za poljoprivredu, šumarstvo i vodoprivredu dužno je svu propisanu i prikupljenu dokumentaciju arhivirati i omogućiti uvid u nju prilikom kontrole od nadležnih institucija.

(2) Dokumentacija iz stava 1 ovog člana mora se čuvati najmanje pet godina za svaku budžetsku godinu.

Član 14

Nakon obrade i provjere zahtjeva i dokumentacije „šef Odjeljenja“²¹ donosi odluku o izdvajanju novčanih sredstava za podsticaje.

DIO ŠESTI - NADZOR

Član 15

Nadzor nad sprovođenjem i izvršavanjem odredaba ovog zakona i propisa donesenih na osnovu njega vrši nadležno odjeljenje putem inspekcija.

Član 16

Korisnici podsticaja podliježu nadzoru nadležnog inspektora i dužni su mu pružiti potrebne podatke i objašnjenja, omogućiti obavljanje nadzora, odnosno osigurati uslove za nesmetan rad.

Član 17

Nadležni inspektor u sprovođenju nadzora sastavlja zapisnik na licu mjesta, donosi rješenje kada je za to ovlašten ovim zakonom i propisima donesenim na osnovu njega.

DIO SEDMI - KAZNENE ODREDBE

Član 18

„ (1) Novčanom kaznom u iznosu od 5.000,00 KM do 15.000,00 KM kaznit će se za prekršaj pravno lice ako:

- a) ostvari podsticaj suprotno članu 7 ovog zakona;
- b) dostavi lažne podatke radi ostvarenja novčanih sredstava za podsticaj.

(2) Za prekršaj iz stava 1 ovog člana kaznit će se fizičko lice novčanom kaznom u iznosu od 500,00 KM do 1.500,00 KM, a odgovorno lice u pravnom licu novčanom kaznom u iznosu od 1.000,00 KM do 3.000,00 KM.

(3) Za prekršaj, uz novčanu kaznu izriče se i mjera oduzimanja podsticaja.²²

²¹ Zakon o izmjenama Zakona o podsticaju u poljoprivrednoj proizvodnji (Službeni glasnik bro 19/07 Brčko distrikt BiH)

²² Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

Član 19

„Korisnik podsticaja koji počini prekršaj iz člana 18 stava 1 tački a) i b) ovog zakona, neće imati pravo konkurisati za bilo koju vrstu podsticaja za period od pet godina, računajući od dana dostave pravosnažnog rješenja po okončanju postupka.“²³

DIO OSMI - PRIJELAZNE I ZAVRŠNE ODREDBE

Član 20

„Pravilnik će donijeti Vlada na prijedlog Odjeljenja za poljoprivredu, šumarstvo i vodoprivredu u roku od 6 (šest) mjeseci od dana stupanja na snagu ovo zakona.“²⁴

25

Član 21²⁶

Zakon o podsticaju u poljoprivrednoj proizvodnji Brčko distrikta Bosne i Hercegovine je stupio na snagu 7. aprila 2006. godine, a njegove izmjene i dopune 17. jula 2007. godine, 17. aprila 2010. godine, 2. juna 2020.godine, 18. avgusta 2020.godine i 10. aprila 2021.godine.

²³ Zakon o izmjenama i dopuni Zakona o podsticaju u poljoprivrednoj proizvodnji (Službeni glasnik broj 04/21 Brčko distrikt BiH)

²⁴ Zakon o izmjenama i dopuni Zakona o podsticaju u poljoprivrednoj proizvodnji (Službeni glasnik broj 04/21 Brčko distrikt BiH)

²⁵ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)

²⁶ Zakon o izmjenama i dopunama Zakona o podsticaju u poljoprivrednoj proizvodnji (Službeni glasnik broj 15/10 Brčko distrikt BiH)